
Na osnovu Člana 15. Statuta Turističke zajednice Grada Bihaća (Sl. glasnik Grada Bihaća br. 4/21), Člana 3. Pravilnika o radu Turističke zajednice Grada Bihaća, Člana 17. Pravilnika o unutrašnjoj organizaciji i sistematizaciji radnih mjesta Turističke zajednice Grada Bihaća i Saglasnosti Službe za finansije, privredu i poljoprivredu broj 01-67/25 od 14.08.2025. godine, direktorica Turističke zajednice Grada Bihaća raspisuje:

**JAVNI OGLAS ZA POPUNJAVANJE RADNIH MJESTA U TURISTIČKOJ ZAJEDNICI
GRADA BIHAĆA**

I. Turistička zajednica Grada Bihaća, sa sjedištem na adresi Petog korpusa 2, 77000 Bihać, vrši prijem radnika radi zasnivanja radnog odnosa na neodređeno vrijeme

Pozicija

1. Tehnički sekretar 1 (jedan) izvršioc

Mjesto rada: Bihać

Opis radnog mjesta za poziciju broj 1:

Obavlja tehničke i kancelarijske poslove za potrebe Turističke zajednice, vrši administrativno-tehničku obradu predmeta i akata, klasifikaciju i arhiviranje, smještaj i čuvanje, održavanje, evidentiranje u arhivsku knjigu Turističke zajednice, učestvuje u radu turističko-informativnog centra, daje potrebne turističke obavijesti i informacije posjetiteljima, obrađuje materijale na računaru po prijepisu ili diktatu, preuzima, čuva i raspoređuje pribor i potrošni kancelarijski materijal, ažurira internet stranicu, po potrebi obavlja terenske poslove, prikuplja i obrađuje podatke o naplati boravišne takse i ostvarenom broju noćenja, sudjeluje u pripremi nastupa na sajmovima i organizaciji posebnih turističkih prezentacija i turističkih događaja koje organizira Turistička zajednica, vrši prijem i otpremu pošte, priprema pozive i materijale za poslovne sastanke, obavlja jednostavnije stručne poslove za Turističku zajednicu koje mu povjeri Direktor, vodi arhivu za Turističku zajednicu, vodi zapisnike na sjednicama organa Turističke zajednice, obavlja i druge poslove koje mu odredi direktor ili tijela Turističke zajednice.

II. Kandidati koji se prijavljuju na Oglas, obavezni su ispunjavati opšte uslove i posebne uslove Oglasa i to:

Opšti uslovi

- da su državljani BiH,
- da su stariji od 18 godina,
- da su zdravstveno sposobni za posao za koji se kandiduju.

Posebni uslovi

Pozicija broj 1

- SSS IV stepen,
- 6 (šest) mjeseci radnog staža u struci nakon sticanja odgovarajuće stručne spreme,
- Da posjeduje organizatorske i komunikacijske sposobnosti,
- Poznavanje rada na računaru,
- Poznavanje engleskog jezika,
- Položen vozački ispit za B kategoriju vozila.

III. Kao dokaz o ispunjavanju opštih i posebnih uslova kandidati su dužni priložiti originale ili ovjerene fotokopije sljedećih dokumenata, ne starije od 6 (šest) mjeseci:

Potrebni dokumenti

- Prijava na Oglas sa kraćom biografijom
- Izvod iz matične knjige rođenih
- Uvjerenje o državljanstvu
- Dokaz o stručnoj spremi (Diploma)
- Dokaz o radnom stažu u struci (Potvrda poslodavca)
- Ljekarsko uvjerenje (Naknadno dostavlja izabrani kandidat)
- Dokaz o poznavanju rada na računaru (Certifikat)
- Dokaz o poznavanju engleskog jezika (Certifikat)
- Ovjerena fotokopija vozačke dozvole

IV Podnošenje prijava

Prijava na Oglas sa svim traženim dokumentima podnosi se u roku od 8 (osam) dana od dana objavljivanja Obavijesti o ovom Oglasu u dnevnom listu Oslobođenje, odnosno od objavljivanja Oglasa na službenoj internet stranici Javne ustanove „Služba za zapošljavanje Unsko-sanskog kantona” Bihać i Turističke zajednice Grada Bihaća.

Neblagovremene, nepotpune i neuredne prijave neće biti razmatrane. Kandidati čije prijave budu uredne i u skladu sa navedenim Oglasom bit će pozvani na intervju. Kandidat koji ne pristupi intervjuu smatrat će se da je odustao od daljne procedure. S kandidatom koji bude izabran zaključit će se ugovor o radu na neodređeno vrijeme.

Prijava na Oglas se dostavlja u zatvorenoj koverti lično ili putem pošte, na adresu:
Turistička zajednica Grada Bihaća
Petog korpusa 2, 77000 Bihać,
sa naznakom «Prijava na javni oglas – NE OTVARATI».